

बस रयो बालो रे सालासर गाँव में,
धन तेरी अंजनी माई धन तेर नाम ने ॥

बाल समय में बालो गोदी बेठयो मात की,
पूरब दिशा में लाली देखी प्रभात की,
मार के फलांग पकडयो उगतोड़े भान ने ॥

भरी सभा म जद बिड़ो फेरयो राम जी,
सिया जी की सुधि ल्याणों बड़ो क्लडो काम जी,
अंजनी दुलारों झट चाब गयो पान ने ॥

तनै है शरम तेर माता के दूध की,
लंका में पूंच्यो बालो सागर से कुदकी,
सिया को दरश कर भज्यो राम नाम ने ॥

सिया की गोदी म गेरी राम की सहनाणी रे,
कुण पंछी बोले ऐसी मीठी मीठी बाणी रे,
मुखड़ो दिखादे बाला आज्या मेर सामने ॥

माता का हुकम लेकर मीठा फल खा लिया,
लंका न जलाय कर दुश्मना न ढा लिया,
सिया को संदेशों ल्याय दीन्हो श्री राम ने ॥

लक्ष्मण क मुरछा आई शक्ति की पीड़ में,
राम कहे बाबा म्हारे आडो आयो भीड़ म,
रण में बचायो म्हारे भाई के प्राण ने ॥

कपट रच्यो जद कपटी अहिरावण,
राम लखन ने लग्यो भेंट चढावण,
देवी की देही जद धारी हनुमान ने ॥

आय के पुजायो बालो गाँव सालासर ने,
सुख और सम्पति करी घर घर में,
मोहनपुकार करे सुणो खोल कान ने ॥

बस रयो बालो रे सालासर गाँव में,
धन तेरी अंजनी माई धन तेर नाम ने ॥

Upload By Jitendra Sharma
9549065373

Source: <https://www.bharattemples.com/bas-rayo-balo-re-salasar-gaon-me-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>